

0.0.1 sobhentisuttam

1. cattāro' me bhikkhave puggalā viyattā vinītā visāradā bahussutā dhammadharā dhammānudhammapaṭipannā saṅghaṃ sobhenti. katame cattāro?
2. bhikkhu bhikkhave viyatto vinīto visārado bahusuto dhammadharo dhammānudhammapaṭipanno saṅghaṃ sobheti.
3. bhikkhunī bhikkhave viyattā vinītā visāradā bahusutā dhammadharā dhammānudhammapaṭipannā saṅghaṃ sobheti.
4. upāsako bhikkhave viyatto vinīto visārado bahusuto dhammadharo dhammānudhammapaṭipanno saṅghaṃ sobheti.
5. upāsikā bhikkhave viyattā vinītā visāradā bahusutā dhammadharā dhammānudhammapaṭipannā saṅghaṃ sobheti.
6. ime kho bhikkhave cattāro viyattā vinītā visāradā bahussutā dhammadharā dhammānudhammapaṭipannā saṅghaṃ sobhenti.

``yo hoti viyatto ca visārado ca
bahussuto dhammadharo ca hoti,

dhammassa hoti anudhammacārī
sa tādiso vuccati saṅghasobhano.

bhikkhu ca sīlasampanno bhikkhunī ca ba-
hussutā,
upāsako ca yo saddho yā ca saddhā upāsikā,

ete kho saṅghaṃ sobhenti ete hi saṅghaso-
bhanā".